

高平縣志 卷之六

風俗 風土歲時記

記有之命太史陳詩以觀民風命市納賈以觀民之好惡所以審人情而施政化一道德同風俗良必有道矣剛柔恬躁四方風氣攸殊本之於天而醞釀而成者習使然也三晉勤儉有唐虞遺風高平近太行之麓水土深厚人性質樸士亦彬彬陶冶而拊循之駸駸乎行見風會日上矣若夫歲時伏臘敦本睦婣禮循習尚鄉隣風俗之美亦或寓焉司風教者因民而治默為移易詎不有微權歟為志風俗並記風土歲時

高平縣志

卷之六

風俗

風俗

淳而好義儉而循禮勤于力田多嗜文學祝志

其民儉朴而敦本有唐晉遺風元志

生齒稠密土壤豐腴舊志

堯舜之畿輔河朔之咽喉明書院記

四郊東務農西服賈南尚角較北安椎魯昔稱勤儉今漸侈靡而多畏法度至重農桑善積聚恪奉公又俗之美者也范志

風土歲時記

禮節自朝賀祭祀迎春鄉飲載在會典者不具錄

婚禮問名納采請期庶民同用惟納吉納徵親迎則士大夫行之

喪禮俗尚漸侈又多泥堪輿家說故有淹柩甚久者自含殮至下窆品物芻靈多務華炫宴吊客筵必豐腴葬後行復三禮客恒數百人飲無算爵最爲靡費記曰孰若禮不足而哀有餘力挽頽風當必有一二士君子起祭禮士夫祭主祠堂祭墓惟春秋二舉民祭於墓者多元旦五鼓興焚桑柴响紙炮潔牲醴祀神祭先拜尊長戚里往還慶賀讌會數日

上元懸華燈列爐燄火光騰灼簫鼓喧闐裙履丙夜嬉遊

高平縣志

卷之六

風俗

二

三更乃止十六日鄉城男婦趨走金峰山以艾炙石佛云祛百病

清明携楮錢酒榼男女拜掃墳墓

端午飲雄黃酒戴艾葉繫續命縷交餽角黍七夕女子設瓜果醕醢祭天孫織女以乞巧

中元祭掃如清明以麻穀掛門上

中秋戚友以瓜餅相餽遺月下剖瓜佐飲

重陽登高聚飲

十月一日楮錢象金冥衣羹飯祀祖考曰送寒衣

十二月五日黍豆和黃爲粥曰五豆粥八日煑之曰臘八

二十三日掃舍宇設飴糖祀灶

除夕掛門神貼春聯士夫間小集守歲

春祈秋報禮也城鄉迎神賽社鼓吹鳩衆戲優雜選按月恒有東關每年四月八日祭賽炎帝大會十日九月十三日祭賽關帝於炎帝廟內諸貨駢羅遠近士女雲集其餘米山各處賽會尙多不必悉載

物產

五方風土從古異宜蓋山川原隰形勢不同氣候早晚亦遂殊致物產因時與地誠有不能強致者高平隸上黨高原四塞地脈甚寒歲惟一孰固乏瓌特珍奇而民

高平縣志

卷之六

物產

三

食所需以及草木鳥獸之屬雖皆習見要亦天所生以養萬民者也用天之道制地之宜民生斯土亦惟當知力出於已貨不棄於地而已不貴異物賤用物詎不有古訓歟志物產

穀之屬 黍有青黑紅白數種通志云羊頭山有黍二畹其南陰地黍白其北陽地黍紅因之以定黃鐘陰地黍白乃高平界也隋律志曰上黨之黍有異他鄉其色至烏其形圓垂用之爲量定不徒然 稷卽稌米也似黍而小其色黃土人稱黃米爾雅翼稷者五穀之長故以名官其祀與社沈五穀不可徧祭祭其長以該之 粟

一名稻秫種來自蜀一名蜀秫土人又稱麥子有紅黑
白三種 穀黃白青紅數種脫殼則為粟米亦曰小米
春秋題辭西乃金之位米為陽之精故西米為粟舊志
高平所出之粟精潔美腴甲於他郡 麥有大小二種
又有別種曰蕎麥秋種有紅黑斑三種 豆即菽也種
類極多諺曰穀三千麥六十豌豆八扁二豇十一蓋豐稔
之驗也 麻有四種
果之屬 葡萄黑白二種 核桃 雁過紅即虎刺實
銀杏 舊志按果之產同於他邑者不復贅入惟此數
種為異

高平縣志

卷之六

物產

四

蔬之屬 蘆菔有大如瓠者 蒿苣 茗蓬 藤蒿 山
藥 舊志按邑澗溪沿汴之毛與他邑同者不載惟此
五色為佳

草之屬 潤草間有紫蝴蝶 剪紅羅 綉墩草 木槿
水紅 菊 芍藥 舊志按邑素無奇花茲特標數種
以備觀覽

木之屬 檜 楸 桑 楊 楮 舊志按邑水深土厚
木產多艱餘同他邑者不載

藥之屬 蒼朮 黃芩 桔梗 防風 連翹 酸棗仁
甘遂 遠志 石膏 兔系子 土亦石脂 山查 欬

冬花 禹餘糧 舊志按邑之藥僅有數種然亦非珍異也

羽之屬 雉 鵲 鷓 啄木 畫眉 鷓庚 布穀

紅嘴鴉 青田田 舊志按邑山高澗廣鳥鳴山谷者

不及遍載志此數者亦洛陽審音之意

毛之屬 狐 獾 狼 鼠狼 舊志云餘同他邑者不

入

貨之屬 絲 紬有雙線單線兩種 鐵按本草太原澤

州陽城高平廣靈為尤勝畢振姬讀鹽鐵議生鐵伐鑛熾炭為之鐵成而加薪乃熟熟可鍼刀耒耜鋤耨鎌鎌

高平縣志 卷之六 物產

五

釘鑄打作之屬利熟生可駁砲鐘鼎鍋鑄鑄作之屬利生生熟間為錠為鋼鋼又南北之鐵混鎔也可鋸可錯可鑿且鑄且打之屬利生熟 石炭通謂之煤張鳳翼晉國賦冀北之煤連綿大麓斷礮研岩摩肩擊轂五方絡繹以奔塗萬灶所燠而轉煥朱弁坑寢詩西山石為薪黝石驚射目方熾絕可邇將盡還自續飛飛湧元雲燄燄積紅玉稍疑雷出地又似風薄竹于謙詩但願蒼生俱飽煖不辭辛苦出山林 舊志按邑原無奇貨獨煤炭甲於天下

按唐魏之口風儉嗇高平昔稱好義循禮是亦採風者

所樂觀也願禮陶樂淑土之風教有心下之習染亦
慮其難革率軍服賈征逐刃雖人有競心矣民安恒
達士勉恒修還淳返朴是所望耳況土厚風淳物力
猶是今寧必異於古所云耶